

**Kommuneqarfik Sermersuumi eqqaaveqarfimmut
eqqakkat tunniunneqartarnerannut**

MALITTARISASSAT

1. Siunertaq

- 1.1 Kommuneqarfik Sermersuumi eqqaaveqarfimmi eqqakkanik suliarinnittarnerup eqqiluisaarluinnartumik navialingninnissamillu akuerineqarsinnaasumik aammalu avatangiisimut illersuinnermut paasinnilluartumik qulakkeerinissaq malittarisassat siunertaraat.

Malittarisassani kommunimi illunik piginnittut, attartortut, innuttaasut suliffeqarfiit umiarsualiviit allallu,- ataatsimut igitassanik pilersuisunik taaneqartut Kommuneqarfik Sermersuumi eqqaaveqarfimmut eqqakkanik tunniussisartut, pisussaaffii pisinnaasaallu aalajangersarneqarput.

2. Atuuffissaa

- 2.1 Malittarisassat uku illunik piginnittunut, attartortunut, innuttaasunut suliffeqarfimmut tamanut umiarsualiveqarfimmut, ataatsimut igitassanik pilersuisunik taaneqartut Kommuneqarfik Sermersuumi ikuallaavinnut, tigooraavinnut kiisalu eqqaavissuarnut tunniussisarfimmut ikuallaavimmullu eqqakkanik tunniussisartunut atuupput. Malittarisassalli Ivittuuni aamma Kangilinnguani atuutinngillat, tassani igitat suliarineqartarnerat peerneqartarnerallu pillugit nalunaarsuviit atorlugit Kalaallit Nunaanni Sakkutooqarfik aamma Ivittuut kommuniat isumaqatigiissuteqarmata.

- 2.2 Kommuneqarfik Sermersuup makkununga malittarisassaani aalajangersakkat malillugit eqqakkat immikkoortiterneqarlutillu tunniunneqartassapput:

- eqqakkat peerneqartarnerat
- angerlarsimaffinnit eqqakkanik katersisarneq
- eqqakkanik annertuunik katersisarneq
- eqqakkat avatangiisimut ulorianartut peerneqartarnerat
- anartarfilerineq

- 2.3 Eqqakkat suulluunniit tamarmik tunniunneqartarnerinut, malittarisassani qulaani taaneqartunut eqqaaveqarfimmut innersuunneqartartunut, malittarisassat tunniussisarnermut malittarisassani aalajangersarneqarput, tassunga ilanngullugit:

- Angerlarsimaffinnit igitat eqqakkallu taakkununga igitanut assingusut
- Eqqakkat annertuut
- Eqqakkat ikuallanneqarsinnaasut
- Eqqakkat ikuallanneqarsinnaanngitsut
- Ujaqqat, ujaraqqat, nuna, illuliornermi atortut atortullu immiissutit
- Savimerngit saffiugassallu
- Qisuinnaat panertut
- Qimmit toqungasut uumasullu minnerit allat toqungasut
- Asbesti
- Eqqakkat avatangiisimut ulorianartut

- 2.4 Igitassaq igitassanut sorlernut ilaanersoq pillugu nalornisoqartillugu Kommuneqarfik Sermersooq tamatumani aalajangiisassaaq.

- 2.5 Aammattaq Kommuneqarfik Sermersuup immikkut ittunik pisoqartillugu aammalu piumasarisat immikkut ittut malillugit eqqakkanik Kommuneqarfik Sermersuuminngaanneersuunngitsunik tunniussisoqarnissaa akuersissutigisinnaavaa.

3. Ikuallaavik

Kommunip ikuallaaviani igitanik tiguisarneq pillugu malittarisassat ilanngussaq 1-imi takuneqarsinnaapput.

4. Tigooraavik

Kommunip tigooraaviinut igitanik tunniussinermi malittarisassat ilanngussaq 2-mi allassimapput.

5. Eqqaavissuit

Kommunip eqqaavissuinut igitanik tunniussinermi malittarisassat ilanngussaq 3-mi allassimapput.

6. Nunaqarfinni tigooraaviit

Nunaqarfiit tigooraaviinut igitanik tunniussisarnermi malittarisassat ilanngussaq 2-mi allassimapput.

7. Nakkutilliineq

7.1 Usingiaanginnermi ingerlatsinermi sulisut eqqakkanik ilaannikkooriarlutik misissuisarsinnaapput, nalornineqartillugu igitassat immersakkap silataanut usingiaqquneqarsinnaapput.

Usingiaareernerup kingorna tunniussat eqqakkanik taamatut iginneqaqqusaanngitsunik imaqassappa-ta ingerlatsinermi sulisut innersuussineratigut tunniussisumit ingerlaannaq peerneqassapput. Tamanna ulorianartorsiortitsinngitsumik imaluunniit biiliniq utaqqisunik kinguaattoortitsinnginnikkut pisinnaas-sanngippat tunniussisup akiligaanik eqqakkat ingerlatsinermi sulisut isumagisaannik peerneqassapput.

7.2 Eqqakkat tunniunneqartut malittarisassianik ukuningga eqquutitsinnginnerat ilimanarluinnarpat i-ngerlatsinermi sulisut eqqakkanik tunniussisoq mianersoqqusummik tunisinnaavaat, taamaalioq-qissappallu eqqakkanik tunniussisoq ikuallaavimmut orniguteqqusaajunnaarsinneqarsinnaavoq.

7.3 Eqqakkanik tunniussisut ingerlatsinermi sulisunit aperineqarnikkut eqqakkat suunerinik sumingaan-neernerinillu paasissutissiissapput aammalu paasissutissat taakku uppersarsinnaassallugit.

8. Akiliutit

8.1 Kommunip katersisarneranut aqqissuussaanut eqqakkallu peerneqarnissaaannut tunniussisar-fimmut akiliutit kommunalbestyrelsimit aalajangersarneqassapput aammalu allagarsiinikkut eqqa-veqarfinnilu ingerlatsinermi sulisunut saaffiginninnikkut paasissutissiissutigineqassallutik.

Aammattaaq akiliutit kommunip akinut allassimaffiutaani takuneqarsinnaapput.

9. Piginnaatitsineq

9.1 Kommunalbestyrelsip tunniussisarnermi malittarisassianik ukunanga aalajangiussinermigut inger-latsinermi sulisut tunniussinermi malittarisassiani, tassunga ilanngullugit ilanngussaq 1, 2 aamma 3 annertunngitsunik allannguuteqartitsinnaanerani aammalu taakku naapertorlugit aalajangiisin-naanerannik, piginnaassuseqartilerpai.

10. Atuutilernera

10.1 Tunniussisarnermi malittarisassat uku atuutilernerinut peqatigitillugu Nuup Kommuneani eqqaave-qarfimmi eqqakkanik tigusinissamut Malittarisassaq 22. april 2002-meersoq taamaatitinneqarpoq.

10.2 Tunniussisarnermi malittarisassat atortussanngortinneqarput ulloq 1. januar 2009.

10.3 Taamaalilluni Kommuneqarfik Sermersuumi kommunalbestyrelsimit akuerineqarpoq ulloq 17. mar-si 2009.


Asii Chemnitz Narup
Borgmester


Niels Kreutzmann
Administrerende Direktor

ILANNGUSSAQ 1: Ikuallaavik

A. Nuummi ikuallaavik

Nuummi ikuallaavik kommunimi eqqakkanik peersisarneq pillugu malittarisassat malillugit tiguisarpoq, uku ilanngullugit:

- ikuallanneqarsinnaasut mikisut
- allunaasat natersuillu
- ikuallanneqarsinnaasut angisuut
- pappialat allanit takuneqartussaangitsut

kisianni ukuunngit:

- igitat Nuummi Saviminernut eqqaavimmut innersuunneqartut, savimerngit, igalaamerngit nunamillu atortussiat
- igitat immikkut aalajangersakkat Nuummi tigooraavimmut innersuunneqartut, avatangiisimut ulorianaatillit, elektronikkertallit aamma nillartaatsiviit/qerititsiviit ilanngullugit
- napparsimaveqarfimmiit immikkut igitat, mattusersuutikut, kapuutit igitallu nakorsaanermi atortukut ilanngullugit
- igitat radioaktivillit
- igitat qaartoorsinnaasut

Igitat tiguneqartut ilanngussaq 2-mi allassimasut malillugit immikkoortiterneqarsimassapput.

Igitat mikisut ikuallanneqarsinnaasut igitapput angerlarsimaffinneersut aamma inuussutissarsiuteqarfinniit igitat ikuallanneqarsinnaasut angissutsimikkut igitanut angerlarsimaffinneersutut angitigalutik, plastikkimik poortuutissat mikinerit ilanngullugit.

Igitat ikuallanneqarsinnaasut mikisut ingerlaannaq silo-mut tunniunneqarsinnaapput.

Igitat angerlarsimaffinneersut taamaallaat kommunip igitanik aaqqissuussiviinut imaluunniit eqqaavilerisunut namminersortunut tunniunneqarsinnaapput Kommuneqarfik Sermersuup igitat angerlarsimaffinneersut katersorneqartarneri pillugit malittarisassai malillugit katersinissamut akuerisaasunit.

Igitat angerlarsimaffinneersut avatangiisimut ulorianaatilinnik imaqartinneqassanngillat aamma igitat qulaani taaneqartut ilaatinneqassanatik, igitat annertuut, tunisassiorfinniit igitat nunamillu atortussiat ilanngullugit.

Allunaasat natersuillu 2x1 m.-inngorlugit aggorimassapput.

Igitat ikuallanneqarsinnaasut annertuut

Igitat ikuallatassat annertuut silo-mut kuineqartinnagit aggorneqassapput.

Igitat ikuallatassat annertuut 2 m.-init takinerussanngillat 30x30 cm.-imillu annertunerunatik.

Igitat ikuallatassat annertuut containerinut ammaannartunut imaluunniit eqqaavilerissutinut, kingorna ikuallaaviup kranianik usingarsinnaasunut, tunniunneqassapput.

Igitat annertuut ikuallanneqarsinnaasut tunniunneqaraangata ingerlatsinermi sulisumit misissorneqartassapput taassumalu nalilissavaa igitat silo-mut imaluunniit agguivimmut kuineqassanersut.

Pappialat allanit takuneqartussaangitsut

Allakkat allanit takuneqartussaangillat pappialallu silo-mut iginneqassanngillat. Ingerlatsinermi sulisut saaffigineqassapput kingornalu sulisunit akuerineqassalluni igitasip nammineq igitat ikuallaaviup ikumatitsivianut iginissai pillugu, tamanna sulisumit isigineqarluni nakkutigineqassaaq.

Igitat uumasuneersut

Igitat uumasuneersut, neqit, neqaarniameersut aalisakkallu perlukui iginneqassatillugit ingerlatsinermi sulisut saaffigineqartassapput. Ingerlatsinermi sulisunit igitat silo-mut iginneqarsinnaanersut nalilerneqartassaaq. Ingerlatsinermi sulisut igitanik uumasuneersunik tigusiumanngissinnaatitaapput taakku eqqaavimmi suliarineqarsinnaatinngit. Taamaattoqartilluguli igitat allatut peerneqarsinnaaneri pillugit sulisut periarfissiuussissapput.

Eqqaaveqarfimmut eqqakkat tunniunneqartarnerannut malittarisassat

Aput

Igitat eqqaavimmut tunniunneqartut, aamma sanaartorfinniit igitat ilanngullugit, aputitaqassanngillat.

Eqqaavilerisut biilli atortuulu

Eqqaavilerisut biilli eqqakkanik tunniussinermi atortut, ikuallaavimmut tunniussinermi isumannaallisaatit nalinginnaasut sukkulluunniit atuuttut eqquutitissinnaangorlugit ilusilerneqarsimassapput. Aammattaaq eqqaavilerinermi biilit Nuummi Ikuallaavimmi pissutsit atuuttut eqqarsaatigalugit angissuseqarlutillu ilusilerneqarsimassapput.

Containerit usillu ammasut eqqakkat teqqarsinnaajunnaartillugit qaavisigut nitsilerneqarsimassapput imaluunniit assigisaanik qallerneqarsimassallutik. Ingerlatsinermi sulisut eqqakkanik ammaannartumik usigisanik qaavisigut nitsilersimannngitsunik assigisaannilluunniit pileerneqarsimannngitsunik tigusinissaminnik itigartitsissuteqarsinnaapput. Itigartitsinermi igitassanik tunniussisup eqqakkat angerlaatissavai kingornatigullu peqqussutit malillugit qaavisigut nitsilerlugit ikuallaavimmut usit tunniutissallugit.

Usingiaanermut malittarisassat

Eqqakkanik tunniussisup ikuallaavimmi piffissamik atuinera usingiaanermut pisariaqartitamut killilerneqassaaq.

Utaqqineqalissagalarpat ingerlatsinermi sulisut usingiaasussat tulleriaarnissaannik aalajangiisnaapput.

Uninnganermi usingiaanermilu isumannaallisaanermut aalajangersakkat sukkulluunniit atuuttut ingerlatsinermi-lu sulisut innersuussutaat malinneqartassapput.

Malittarisassianik unioqquitsineq ikuallaavimmukarsinnaajunnaartitsinermik kinguneqarsinnaavoq.

Kukkusumik immikkoortiterineq

Eqqakkat immikkoortiterneqarsimannngitsut imaluunniit tunniussisarfimmi malittarisassanik malittarisassami uani allaaserineqartutuut eqquutitsinnngitsut kukkusumik immikkoortitikkatut inissinneqassapput tamatumalu kingorna igikkiartukkat eqqakkatut kukkusumik immikkoortitikkatut akiligassanngortinneqartassapput.

Eqqakkat kukkusumik immikkoortitikkat tigujuannginneqarsinnaapput, taamaattoqartillugu igitassaatiillip igitasat angerlaateqqinnissaannut pisussaavoq, malittarisassamilu uani aammalu Kommuneqarfik Sermersuumi eqqakkat peerneqarnissaannut malittarisassiami aalajangersakkat malillugit nammineq immikkoortiternissaat imaluunniit piareersareernissaat qulakkiissavaa. Tamatuma kingorna eqqakkat kommunip eqqaavinnut innersuutaa-sa arlaannut tunniunneqassapput.

Tigooraavimmut tunniussanik killiliineq

Ajornartoorfitsigut (aserortoornermi allatulluunniit ingerlatsinermi annertuumik ajornartorsiuteqartillugu) ingerlatsinermi aqutsisuusup eqqakkanik tunniussineq killilersorallalersinnaavaa.

Taamatut pisoqarsinnaanera siumut takuneqarsinnaappat aalajangersimasumik tunniussisartut sapinngisamik piffissaalluartillugu nalunaarfigineqassapput, kisianni tassangaannartumik ajornartorsiuteqartillugu killilersuinerit pisariaqartut siumut nalunaaruteqaaqqaarani atuutitinneqarsinnaapput.

Taamatut pisoqartillugu eqqagassat kommunip avatangiisinut akuerisamik tigooraavianut innersuussutigineqassapput, imaluunniit angerlaakkallarierlugit kingusinnerusukkat eqqaavik ajunngitsumik ingerlaqqilererpat tunniussassanngortinneqarsinnaapput.

Nuummi Ikuallaavimmi immikkoortiterinissamut ilitsersuut

Nuummi Ikuallaavimmut eqqakkanik tunniussinermi immikkoortiterinissamut ilitsersuutit ataani allassimasut malinneqassapput:

Eqqakkat immikkoortut	IMARISINNAASAT	UKUNINGGA IMAQAQQUSAAN-NGILLAT
Annikitsut ikuallanneqarsinnaasut:: 1 m inorlugu angissusillit	<ul style="list-style-type: none"> - Igitat angerlarsimaffinneersut - Pequtit anginngitsut, niulut savimerngit peerneqarsimasut assigisaallu ikuallanneqarsinnaanngitsut - Pigisat - Poortuutissat plastikkit - Atisat annoraamerngillu - Igitassat anginngitsut assigiingitsut 1 m inorlugu angissusillit 	<ul style="list-style-type: none"> - Atortut ataasiakkaat 1 meteri sinnillit - Atortut eqimalluinnartut 1 x 0,2 x 0,2 m-t qaangerlugit - Igitat ulorianartut - Igitat elektronikiusut - Igitat ikuallassinnaanngitsut - Pappialat/poortuutissat pappit
Annertuut ikuallanneqarsinnaasut:: 1 m sinnerlugu angissusillit Igitat annertuut ikuallatassat tunniutinnginnerini sulisunik misissorneqaaqsapput	<ul style="list-style-type: none"> - Pequtit anginerit, (niulut savimerngit peerneqarsimasut) - Pappialat/plastikrullit - Igitat ikuallanneqarsinnaasut 1 meteri sinnillit 	<ul style="list-style-type: none"> - Ilivitsukkaat 1 x 2 m-t sinnillit - Igitat arrortikkuminartut angerlarsimaffinneersullu - Igitat assut pujoralallit - Igitat avatangiisimut ulorianartut - Igitat elektronikiusut - Igitat ikuallassinnaanngitsut
Qisuit panertut mingoqanngitsullu: Qisuit igitat panertut mingoqanngitsullu tunniutinnginnerini taakku sulisunit misissoqqaarneqassapput	<ul style="list-style-type: none"> - Qisuit/pal'lit quassuttuullu 	<ul style="list-style-type: none"> - Pequtit - Igitat sanaartorfinneersut ikuallanneqarsinnaasut - Igitat arrortikkuminartut igitallu angerlarsimaffinneersut. - Igitat avatangiisimut ulorianaatillit - Igitat elektronikiusut - Igitat ikuallassinnaanngitsut
Igitat uumasuneersut Igitat uumasuneersut tunniutinnginnerini sulisunit misissorneqaaqsapput	<ul style="list-style-type: none"> - Neqit igitat - Neqaarniamit aalisakkanillu igitat 	

ILANNGUSSAQ 2: Tigooraaviit/inissiiviit

A. Nuummi tigooraavik

Nuummi tigooraavik kommunimi igitanik peersisarnermut malittarisassat malillugit tiguisarpoq, uku ilanngullugit:

- Igitat avatangiisimut ulorianaatillit
- Igitat elektronikusut
- Nillartaartitsiviit/qerititsiviit

Kisianni ukuunngitsut:

- Igitat angerlarsimaffinneersut imaluunniit igitat taakkununga assingusut
- napparsimaveqarfimmiit immikkut igitat, mattusersuutikut, kapuutit igitallu nakorsaanermi atortukut ilanngullugit
- Igitat radioaktivillit
- Igitat qaartoorsinnaasut

Angerlarsimaffinni illuni atukkanit eqqagassat nalinginnaasumik igitassanngortartut, igitassat angerlarsimaffinneersut taakkunungalugu assingusut igitat pinnagit tigooraavimmi tunniussisarfirmut inoqutigiit tunniuttarsinnaavaat.

Inoqutigiinnit igitat ikuallanneqarsinnaasut imaluunniit ikuallanneqarsinnaanngitsut tunniussinermi ataatsimi 50 kg angullugu akeqanngitsumik tunniunneqarsinnaapput. Inoqutigiinnit tunniunneqartut annertunruppata akiliisitsisoqarsinnaavoq.

Suliffeqarfiit inuussutissarsiuteqarfiusut suliffeqarfiillu tigooraavimmut ukuninnga tunniussisarfirmut: Igitat ulorianaatillit, igitat elektronikusut aamma nillartaartitsiviit/qerititsiviit. Igitanik taakkuninnga suliffeqarfiit inuussutissarsiuteqarfiusut suliffeqarfiillu tunniussisut akileeqquneqassapput.

Tunniussinermut aalajangersakkat

Tigooraavimmi igitassat piffissami taaneqartumi tiguneqarsinnaasutut allagarsiuksami allassimasut kisiimik tiguneqarsinnaapput.

Tigooraavimmik atuisut pisussaapput igitat tunniunneqartut immikkoortiterivittut inissinneqartunut aamma ilanngussaq 2-mi taaneqartutut immikkoortiterlugit inissinissamut aamma containerinut innersuussanut imaluunniit inissiivissanut innersuunneqartunut ilissallugit.

Eqqakkat avatangiisimut ulorianartut kommunip eqqakkanut avatangiisimut ulorianartunut malittarisassani aalajangersakkat malillugit eqqaavimmi sulisunut toqqaannartumik tunniunneqartassapput. Ingerlatsinermi sulisut eqqaavimmi eqqakkanut tunniussisarfirmut imaluunniit eqqaaviup eqqannguani kateriffiusumut innersuussisapput.

Eqqakkat avatangiisimut ulorianartut sumik imaqarnerinik nalunaaruserlugit poortuutaat akuerisaasullu qajannaatsumik matulluarlugit tunniunneqassapput.

Eqqakkat elektronikusut aammalu nillartaartitsiviit/qerititsiviit eqqakkat peerneqarnissaannut kommunip malittarisassiani aalajangersakkat malillugit eqqaavilerivimmi sulisunut toqqaannartumik tunniunneqassapput. Ingerlatsinermi sulisut eqqakkanik tunniussisarfirmi tunniussivissaq imaluunniit eqqakkanik tunniussisarfik qanittumiittoq kateriffiusumut innersuussisapput.

Kinaluunniit eqqakkanik tigooraavimmukartoq malittarisassanik atuuttunik aammalu sulisut ilitsersuussutaannik malinnaanissaminut pisussaavoq. Eqqakkanik tigooraavimmi malittarisassat ilanngussaq 1-imi takuneqarsinnaapput.

Maleruaqqusat:

- Angerlarsimaffinni illuni atukkanit eqqagassat nalinginnaasumik igitassanngortartut, igitassat angerlarsimaffinneersut taakkunungalugu assingusut igitat pinnagit tigooraavimmi tunniussisarfirmut inoqutigiit tunniuttarsinnaavaat.

Eqqaaveqarfimmut eqqakkat tunniunneqartarnerannut malittarisassat

- Inoqutigiinnit igitat ikuallanneqarsinnaasut imaluunniit ikuallanneqarsinnaangitsut tunniussinermit ataatsimi 50 kg angullugu akeqanngitsumik tunniunneqarsinnaapput. Inoqutigiinnit tunniunneqartut annertuneruppata akiliisitsisoqarsinnaavoq.
- Suliffeqarfiit inuussutissarsiuteqarfiusut suliffeqarfiillu tigooraavimmut ukuninnga tunniussisartussaapput: Igitat ulorianaatillit, igitat elektronikiusut aamma nillartaatitsiviit/qerititsiviit. Igitanik taakuninnga suliffeqarfiit inuussutissarsiuteqarfiusut suliffeqarfiillu tunniussisut akileeqquneqassapput.
- Assaat atorlugit taamaallat usingiaasoqarsinnaavoq, igitallu immikkoortiterneqassapput allagarsiussarlu naapertorlugu inissinneqartulik aamma sulisut innersuussinerat malillugu. Kaammattutigtineqarpoq angerlarsimaffimmi igitat immikkoortitereerneqarsimanissaat.
- Igitat avatangiisimut ulorianaatillit, elektroniskit aamma nillartaatitsiviit/qerititsiviit toqqaannartumik sulisunut tunniunneqassapput.
- Igitat avatangiisimut ulorianartut sumik imaqarnerinik nalunaarlugit aamma akuerisaasumik poorlugit qajannaatsumillu matulluarlugit tunniunneqassapput.
- Kinaaluunniit tigooraavimmik atuisoq immikkoortiterinissamik innersuussinermit malinnissaaq aamma igitanik usingiaanermi peqqussutigineqartunik, sulisunit allagarsiussanillu, malinnittussaavoq. Nalornisoqartillugu sulisut aperineqassapput.
- Nunaminertani nalunaaqutserneqarsimasuni imaluunniit containerinut igitanik inissiisoqaqqusaanngilaq. Nakkaasat atuisumit sanerlugit peerneqassapput. Sanigutit nivaatarlu sulisumut saaffiginninnikkut atukkiunneqassapput.
- Kinaluunniit tigooraavimmik atuisoq sulisumit peqquneqarnini malillugu aterminik najukkaminillu nalunaaruteqartussaataavoq kiisalu igitat suunerinik suminngaanneerinerinillu ilisimatitsisussaaluni.
- Tigooraaviup (eqqaaviup) eqqaanut igitanik inissiisoqaqqusaanngilaq.
- Atoqqinneqarsinnaasunik inissiisarfimmiit tigusisoqarsinnaavoq. Ittujaarluni katersineq (inissitanik piianeq) inerteqqutaavoq.
- Atuisoq sivisunerpaamik atoqqinneqarsinnaasunik inissiivimmiissinnaavoq min. 15-ini.
- Tigooraavimmiittoqarsinnaavoq taamaallaat igitanik tunniussinermit atatillugu. Meeqqat inersimasunik ilaqanngitsut iseqqusaanngilaat.
- Biilit inissinneqassapput eqqaaveqarfimmi sulinermit ajoqutaanngitsumut, aamma atoqqinneqarsinnaasunik inissiivimmut aallarnermi/imaarsinermilu. Usingiaanermi motori uninngatinneqassaaq.
- Tigooraavik piffissami sivikitsumi containerinik allarnerup nalaani matoqqatinneqarsinnaavoq.
- Tigooraavimmi sulisut inunnik maleruaqqusanik unioqqutitsisunik tigooraavimmiit peersitsisinnataapput politiinillu aggersaasinnaallutik.

Unioqqutitsineq saliinermit akiliisitsinermit kinguneqassappat, katersinermit atortut ajoquserpata, allagartat il.il., aningaasartuutit akisussaasunit taarserneqarnissaat piumasarineqarsinnaavoq.

Eqqaaveqarfimmut eqqakkat tunniunneqartarnerannut malittarisassat

Eqqakkat immikkoortut	IMARISINNAASAT	UKUNINGGA IMAQAQQUSAANGILLAT
Annikitsut ikuallanneqarsinnaasut:: 1 m inorlugu angissusillit (Atuisut inuinnaat kisimik)	<ul style="list-style-type: none"> - Pequtit anginngitsut, niulut savimerngit peerneqarsimasut assigisaallu ikuallanneqarsinnaanngitsut - Pigisat - Pappialat - Pappit - Poortuutissat plastikkit - Atisat annoraamerngillu - Igitassat anginngitsut assigiingitsut 1 m inorlugu angissusillit 	<ul style="list-style-type: none"> - Atortut ataasiakkaat 1 meteri sinnillit - Atortut eqimaluttut 1 x 0,2 x 0,2 m-t qaangerlugit - Igitat angerlarsimaffimmeersut - Igitat ulorianartut - Igitat elektronikiusut - Igitat ikuallassinnaanngitsut
Annertuut ikuallanneqarsinnaasut:: 1 m sinnerlugu angissusillit (Atuisut inuinnaat kisimik)	<ul style="list-style-type: none"> - Pequtit anginerit, (niulut savimerngit peerneqarsimasut) allallu ikuallanneqarsinnaanngitsut - Pigisat - Sallilikkat/pal'it - Igitat ikuallanneqarsinnaasut 1 meteri sinnillit 	<ul style="list-style-type: none"> - Ilivitsukkaat 1 x 2 m-t sinnillit - Igitat angerlarsimaffimmeersut - Igitat avatangiisimut ulorianartut - Igitat elektronikiusut - Igitat ikuallassinnaanngitsut
Ikuallanneqarsinnaanngitsut (Atuisut inuinnaat kisimik)	<ul style="list-style-type: none"> - Savimerngit - Marraat - Igalaamerngit - Assakaasut - Madrassit - Kissarsuutit/errorsiviit microbølgeovnit 	<ul style="list-style-type: none"> - Igitat ikuallassinnaasut - Igitat imerpalasut
Igitat ulorianartut (Sulisut saaffigineqassapput)	<ul style="list-style-type: none"> - Batteriit/akkumulatorit - Uuliakoq - Kviksølvertallit - Qalipaait sinnikkut/lakki liimmilu - Akuutissat kemikaliat - Qullikut 	<ul style="list-style-type: none"> - Imassat - Igitat radioaktivitallit - Qaartoorsinnaasut/imminut ikummartis-sinnaasut - Ulorianaateqarsinnaasut tuniluutsisisinnaasullu
Igitat elektroniskit (Sulisut saaffigineqassapput)	<ul style="list-style-type: none"> - TV - Radiut - Videot - Qarasaasiat skærmillu - Printerit - Sakkortusaatit - Telefonit, allakkasuaatit il.il. 	<ul style="list-style-type: none"> - Igiffimmi atortut - Sunngiffimmi sammisanut atortut
Nillartaartitsiviit/qerititsiviit (Sulisut saaffigineqassapput)	<ul style="list-style-type: none"> - Nillartaartitsiviit - Qerititsiviit 	<ul style="list-style-type: none"> - Nerisassat - Kiassaait - Erruiviit/errorsiviit - Radiunut tv-mullu atortut - Kissarsuutit, mikrobølgeovnit
Ingerlaannarlugit atoqqinneqarsinnaasut	<ul style="list-style-type: none"> - Pequtit atornikut - Pigisat atornikut 	<ul style="list-style-type: none"> - Atisat/skuut

B. Qeqertarsuatsiaani Kapisilinnilu tigooraaviit

Qeqertarsuatsiaani Kapisilinnilu tigooraaviit kommunip igitat peerneqartarnerat pillugu malittarisassai malillugit igitanik tiguisarput, taakkununga ilaapput:

- Igitat annikitsut ikuallaavimmi ikuallanneqarsinnaasut
- Igitat annertuut inoqutiginneersut
- Igitat avatangiisimut ulorianaatillit annikitsukkuutaarlugit
- Qimmit toqungasut allallu uumasut mikinerusut

Kisianni ukuunngitsut:

- Sanaartorfinnit igitat
- Inuussutissarsiuteqarfinnit igitat annertuut
- Igitat uumasunit pisut

Igitat ingerlatsinermi sulisunut ingerlaannaq tunniunneqassapput, inissiivissaannik innersuussisussanut. Igitanik tunniussisoq igitat imatut immikkoortiterissaaq:

- Igitat angerlarsimaffinneersut
- Igitat ikuallanneqarsinnaasut
- Qimmit toqungasut uumasullu allat mikisut
- Igitat asbestitallit
- Uuliakoq
- Igitat kemiskit

Igitat kommunip nunaqarfinni tigooraaviinut tunniunneqanngitsut kommunip igitat peerneqartarnerinut malittarisassai malillugit peerneqassapput imaluunniit kommunip aalajangersimasumik ilitsersuutaa malillugu.

ILANNGUSSAQ 3: EQQAAVISSUIT

A. Nuummi saviminernut eqqaavik

Nuummi saviminernut eqqaaviup igitat kommunip igitanik peersisarneq pillugu malittarisassai malillugit tigusarpai, uku ilanngullugit:

- Igitat ikuallanneqarsinnaanngitsut
- Savimerngit
- Igitat asbestitalit pujoralaliunngitsut
- Nunamik atortussiat
- Kilisaatit

Kisianni ukuunngitsut:

- Igitat immikkut ittut, Tigoooraavimmut innersuunneqartut, taakkununga ilaapput igitat avatangiisimut ulorianaatillit, elektroniskit aamma nillartaatsiviit/qerititsiviit
- Igitat ikuallanneqarsinnaasut
- Igitat radioaktivitalit
- Igitat qaartoorsinnaasut

Igitat kommunip igitanik peersisarnermut malittarisassaani ilitsersuut malillugu immikkoortiterneqarsimassapput.

Tunniussinermut aalajangerskkat

Igitanik Saviminernut eqqaavimmut tunniussinermi ingerlatsinermi sulisut saaffineqassapput, usingiaaneq ingerlatsinermi sulisut ilitsersuutaat malillugu pissaaq.

Igitat kommunip igitanik peersisarnermut malittarisassai malillugit immikkoortiterneqarsimanngitsut kukkusumik immikkoortitikkatut naatsorsuunneqassapput taakkulu kingorna kukkusumik immikkoortitikkatut akilersinneqassallutik.

Igitat kukkusumik immikkoortitikkat tigupeqarnissai itigartitsissutaasinnaavoq taamatullu pisoqartillugu tunniussisoq pisussaavoq igitanik utertitsinissaminut namminerlu eqqortumik immikkoortiternissaannik qulakkeerinninnissaminut imaluunniit matumani malittarisassani aalajangersakkat aamma Kommuneqarfik Sermersuumi igitat peerneqartarnerat pillugu malittarisassat malillugit suliarissallugit. Tamatuma kingorna igitat kommunip innersuussinera malillugu tunniunneqassapput.

Kilisaatit allallu aalisarnermut atortut tunniunneqarneranni taakku wirenik angisuunik, kalunnernik, akerlumik, alumiumik imaluunniit saviminernik allanik akoqassanngillat. Kilisaatit allallu aalisarnermut atortut qulaani taaneqartunik saviminernik ilaqarpata tigupeqarnissai itigartitsissutigineqarsinnaavoq piumasarlugu taakku immikkoortiterneqarnissaannik/peerneqarsimanissaannik.